



KENYATAAN MEDIA MENTERI PERTANIAN DAN KETERJAMINAN MAKANAN

PATUHI HARGA JUALAN PADI BENIH YANG TELAH DITETAPKAN OLEH PIHAK KERAJAAN RM45 PER KAMPIT 20KG

Susulan aduan yang diterima daripada beberapa pertubuhan petani dan pesawah berkaitan dengan kelewatan bekalan serta harga jualan Benih Padi Sah (BPS) yang dijual melebihi harga yang telah ditetapkan oleh pihak kerajaan, saya telah **menjalankan pemantauan dan pemeriksaan** pada hari Selasa, 14 November 2023 di dua buah kilang yang mendapat permit mengeluarkan BPS di negeri Kedah.

Hasil pemeriksaan yang dibuat **telah dapat mengenalpasti beberapa isu yang menyebabkan gangguan bekalan BPS** ketika ini. Justeru saya telah mengarahkan Lembaga Kemajuan Pertanian Muda (MADA) bersama Kawalselia Padi dan Beras, Jabatan Pertanian, Pertubuhan Peladang Kawasan (PPK) serta pengilang BPS untuk **menyelesaikan isu ini dengan kadar segera**. Pihak pengilang BPS turut memberikan komitmen untuk membekalkan BPS dengan kadar segera kepada MADA.

Bagi kawasan-kawasan di luar seliaan MADA, saya telah **mengarahkan pemeriksaan dan penguatkuasaan dipertingkatkan**. Tindakan yang tegas mesti dikenakan ke atas mana-mana pihak yang gagal mematuhi arahan penjualan padi benih pada harga RM45 per kampit 20kg. Kerjasama dari semua pihak amat diharapkan supaya segala isu-isu berbangkit dapat diselesaikan dengan segera bagi memastikan proses penanaman padi dapat mematuhi jadual telah ditetapkan.

**YB DATUK SERI HJ MOHAMAD SABU
RABU, 15 NOVEMBER 2023**